

Date – 08/08/2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Tourism Department leh Indian Railway Catering & Tourism Corporation (IRCTC) ten Mizoram a Tourism hmasawwna atana thawhhona thuthlung an ziaik.
2. Airport tha Mizoram in a neih theihna tura Union Home Minister Pu Amit Shah intiamkamna te umzui a hmala nghal turin sorkar an ngen tih Lengpui Airport Forum chuan an sawi.
3. Parliament chuan Coastal Shipping Bill 2025 a pass.
4. Prime Minister Narendra Modia chuan nizan khan Brazil President Luiz Inacio Lula da Silva chu Telephone hmanga biain thawhdunna chi hrang hrang an sawidun.

<><><>

TOURISM & IRCTC MOU

Mizoram sorkar Tourism Department leh sorkar laipui Ministry of Railways hnuaia PSU hnuaia Indian Railway Catering & Tourism Corporation (IRCTC) te chuan nimin khan Mizoram a Tourism hmasawwna atan thawhhona thuthlung an ziaik.

Thawhhona thuthlung hi Lalthakimi Pachuau, Joint Director, Tourism Department leh RN Ranmung, Chief Regional Manager, IRCTC, Guwahati ten kum hnih atan an ziaik a. He thawhhona thuthlung hian nasa leh zuala Mizoram in tourism lama hmasawn theihna tura hmalakte, khualzin te awlsam zawka an inkal pawh theihnan te, awmze nei zawk a khualzin te hmunhma an tlawh tur an tlawh theihnan te leh an hmun tlawh turte an duhdan mila duansak bakah khualzin tam zawkin kan ram an tlawh theihnan a hmalak te leh thildang tam tak a tel a ni.

Tourism Department leh IRCTC thawhdunna tur hi kumin september thla vela Aizawl a rel lo lut mai tur atana tangkai tak a ni dawn tih sorkar chuan a sawi a. IRCTC hian Mizoram mipuite khawvel hmun zau zawk nen a thlunzawm turin October thla chhung hian Special Tourist Train rawn luh tir an tum thu an sawi a ni. State chhunga hmunhma mawi leh tlawh turte tour package a siamin zauzawk a khualzin hip theihna tur kawngah nasa takin hma an la dawn a. Heng bakah man man zawka tlawh theihna tur outbound tour package te an chhawpchhuak dawn bawk a ni.

<><><>

LUNGLEI MBOC

Lunglei Mizoram Building & Other Construction & Welfare Board MBOC&WB chuan Lunglei, Lawngtlai leh Hnahthial Dist awp in an hnuaia hnathawktu hrang hrang inziaklut te hnenah zangnadawmna leh tanpuina cheng nuai 31 leh sing 6 vel an pe chhuak tawh a, tun dinhmunah mi 2851 an in ziaak lut a, Lunglei Dist chhung bikah mi 1097 an in ziaaklut a ni.

LESDE Deptt Lunglei Dy Director Pu Lalbiakmuana chuan Akashvani zawhna chhangin MBOC&WB-ah hian Kuthnathawktu Insak leh lungrem, rawnghnawih, lung la, thirchher, plumber, balu la JB Operator, welder etc te a in ziahlul theih a, kumkhatah Rs 120 chauh niin an hnathawh laia an chesual emaw, thihna an tawh pawhin cheng Nuai 3 thleng an dawng thei a, member nilai a boral hrim hrim in cheng nuai 1 a pek theih bawk a ti.

Raipuar te pawh cheng sing 1 thleng dawn theihna a ni a, Pension te pawh an dawng thei a, nupui pasal an neih in lawmpuina Rs 10,000 thleng an dawng thei a ni a ti. Member fa, Zirlai KG -I atanga Post Graduate thleng pawhin Scholarship a dil in a hmuh theih a, hei hian Tribal Scholarship an dilna engmah insutbuaina a nei lova, a hrang hlak ve ve in hamthatna an dawng thei tih a sawi. Board Exam a Top 10 a lang chin te lawmpuina Rs 50,000 leh Distinction a pass te pheih chu Rs 20,000 a pek theih tih a sawi bawk.

Pu Lalbiakmuana hian Lunglei Dist mipui te chu hemi kawngah hian an la ngawng deuh hle a a hriat thu sawiin Sorkar in hamthatna a dah leh a siam chui ngaihven nachang hre tur in nitin inhlawhfa te a ngen a,thil hriat duh leh in ziahlul dan kimchang chu Employment Office Lungleiah a zawhfiah theih reng a ni a ti.

Hetihruah hian Contractor ten hna an thawh dawn in Estimated Amount atanga zaa 1 an chhunlul thin pawh kum 2024-2025(FY) chhung khan Lunglei, Lawngtlai leh Siaha Dist.atangin Rs cheng Nuai 210 chungzet an hmu a, kum 2025-2026 -April,May,June,July) thleng in cheng nuai 61 an hmu tawh bawk a ni. Shop & Establishment-ah mi 297 registred neiin an hnen atang hian Sorkar sumbawmah vawiin thlengin cheng nuai 2 sing 7 & 6,140 an chhunglut tawh bawk.

<><><>

ZMC FOUNDING DAY

Health and Family Welfare Minister Pi Lalrinpuui'n MUHCS hnuaiah Zoram Medical College & Hospital (ZMC&H) chu thuam chak mek a ni a ti.

He thu hi nimina Zoram Medical College & Hospital (ZMC&H), Falkawn din champha vawi 7-na a hmanpuinaah a sawi a, Health Minister Pi Lalrinpuui chuan ZMC&H chu Mizoram Universal Health Care Scheme (MUHCS) hnuaia cashless a damlo enkawl nasa ber zinga mi a ni chu lawmawm a tih thu a sawi a, kumin April ni 1 atanga MUHCS kalpui a nih hnuaiah ZMC&H chu thuamchak leh tihchangtlun chhoh mek a ti a, sorkar

chuan nurse leh staff engemawzat a pek belh tawh a, cabin 30 leh ICU 13 a pek belh bawk a, operation theatre (OT) 3 an siam leh dawn tih sawiin, nau pai lama harsatna neite damdawi thiamna hmanga nau pai tirna, In Vitro Fertilization (IVF) centre neih tumin hmalak mek a ni a ti.

Hetihlai hian Mizoram Health Care Society CEO ah Dr Lalhriatzualin Ralte, IAS chu dah thar a ni a, hemi chungchang order hi sorkar chuan tichhuakin, LESDE Special Secy hna bakah Health Care Society CEO hna hi a chelh kawp dawn a ni.

ZMC & H Founding Day lawmnaah hian ZMC&H Director, Dr. John Zohmingthanga’n thusawiin, kum 2018 khan ZMC&H chu khum 150 bawr vela bul tan a ni a ti a, kum 2024 ah khum 420 awmin, sawrkar hmalakna a MUHCS kalpui a nih hnu hian khum 85 awm belhin tunah chuan khum 505 a awm tawh thu a sawi a. Heng bakah hian ICU leh Special Ward hawn belh tum a nih thu a sawi bawk a ni.

He hunah hian MBBS Intern Hostel thar khum 60 awmna hawn nghal a ni a, tun dinhmnah ZMC&H ah hian MBBS zirlai 394 awm mekin, Internship ti mek 98 an awm a, ZMC&H atang hian Batch hnih (2018 & 2019 Batch) atangin MBBS zir chhuak 189 an awm tawh a. Hei bakah hian ZMC&H zirlai te’n National Level Essay Writing Competition on Family Adoption Programme-ah zirlai pahnihin lawmman an lo dawng tawh a, National Level Quiz Competition-ah 11-na niin lawman an lo dawng tawh bawk a ni.

<><><>

LENGPUI AIRPORT FORUM

Airport tha Mizoram in a neih theihna tura Union Home Minister Pu Amit Shah-in intiamkamna te umzui a hmala nghal turin sorkar an ngen tih Lengpui Airport Forum chuan an sawi.

Nimin khan thuchhuah siamin, Lengpui Airport Forum chuan a RTI hmang a zawhna Mizoram Sawrkar GAD-Aviation Wing in a chhanna atangin Lengpui Airport tihchangtlunna tura AAI kuta hlanna tur bawhzuina tak tak a la awm lo tih hriat a ni tih sawiin Lengpui Airport tha, changtlung leh him neih thuai anih theih nan Sawrkarin hma la thuai se an ti a, Pu Amit Shah-a hun tiam ral hma thla hnih vel chauh awm tawh chu a liam hma ngeiin Chief Minister leh a kaihhruai Sawrkar hian ti hlawhtling ngei se an ti a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

VICE PRESIDENTP

National Democratic Alliance (NDA) chuan Prime Minister Narendra Modia leh Rajya Sabha House leader JP Nadda te chu Vice President candidate thlang turin thuneihna an pe. NDA Parliamentary Party thukhawm chuan lungrual takin he thutlukna hi an siam a ni.

Puan tawh angina Vice President inthlan chungchang hriattirna nimin khan Election Commission chuan a ti chhuak. Vawiin atangin Vice President inthlan chuh tumte tan hming thehluhna hun hawn nghal a ni a. Tun thla ni 21 thleng nomination hi thehluh theih a ni ang a. Thlaleh Septermber ni 9 ah inthlan a ni ang.

Puan tawh angin thla hmasa khan Vice President tanglai Jagdeep Dhankar a ban avangin Vice President thar hi thlan tura ruahman a ni a. Tun tum ami hi Vice President 17 na tur a ni a. Lok Sabha leh Rajya Sabha memberten Vice President hi an thlang thin a ni.

<><><>

PM

Prime Minister Narendra Modia chu nizan khan Brazil President Luiz Inacio Lula da Silva chuan Telephone hmanga biain thawhdunna chi hrang hrang an sawidun. Prime Minister's Office thuchhuah dnain hruaitu pahnih hian sumdawnna, technology, energy, ralthuam, agriculture,hriselna leh mipuite inpawh lehzualna tura thawhdunnate an sawidun a. Ram pahnih chhehvel leh khawvel huapa thilthleng pawimawhte an sawidun bawk a ni. Prime Minister Modia hian thla hmasa lama Brazil a tlawh tuma a thil tawn te a sawilang a. PMO chuan India leh Brazil thawhdunna chu tun aia sang thlen tir turin hruaitu pahnihte hian tan lak an tum thu a tarlang a ni.

<><><>

COASTAL BILL

Parliament chuan Coastal Shipping Bill 2025 a pass. Lok Sabha in a pass tawh he bill hi nimin khan Rajya Sabha chuan a pass veleh a. Ramchhunga tuipui huamchhungah sumdawnna bungraw phur lawngliante inkaihhruaina tur dan a ni a. Union Minister of Ports, Shipping and Waterways, Sarbananda Sonowal chuan Rajya Sabha-ah zawhna chhangin he dan thar hi a pawimawh hle tih sawiin ramchhunga tuipui zautaka theihna awm a haichhuak dawn a ni a ti.

<><><>